

Annwyl Syr/Fadam,

### **Cyllid sydd ar gael drwy Cyngor Sir Gar**

Mae Cyngor Sir Gar yn ysgrifennu'r llythyr yma, er mwyn eich hysbysu o'r amryw o opsiynau cyllid sydd ar gael o fewn y Sir. Mae yn 5 opsiwn cyllid gwahanol ar gael, ac mae'r rhain ar agor ac yn derbyn ceisiadau, gydag un yn bwriadu ail agor ym Mis Mehefin 2023. Dyma'r rhestr isod o beth yn union sydd ar gael ar eich cyfer:

#### **Cronfa Eiddo Gwag Canol Trefi**

Ariennir Cronfa Eiddo Gwag Canol Trefi gan Gronfa Ffyniant Cyffredin Llywodraeth y DU. Bydd y gronfa yn targedu eiddo gwag y tu mewn i ffiniau llinellau coch penodedig yn nhrefi Rhydaman, Caerfyrddin a Llanelli. Bydd y cyllid ar gael i berchnogion / les ddeiliaid (prydles 7 mlynedd o leiaf) a bydd yn canolbwyntio ar sicrhau bod eiddo gwag ar y llawr gwaelod yn cael eu defnyddio at ddibenion masnachol unwaith eto. Ni fydd gwaith hapfasnachol yn cael ei gefnogi. Yr uchafswm a gaiff ei ddyfarnu bydd £30,000 fesul cais ar gyfradd ymyrryd o 70%.

Os bydd y cais yn cael ei gyflwyno gan landlord sy'n bwriadu gosod yr eiddo, cyn cyflwyno cais llawn bydd angen i denant cyn gosod / terfynol fod yn ei le.

Am fwy o fanylion cysylltwch ar e-bost: [trefi@sirgar.gov.uk](mailto:trefi@sirgar.gov.uk)

Gwefan: [Cronfa Eiddo Gwag Canol Trefi \(llyw.cymru\)](http://Cronfa Eiddo Gwag Canol Trefi (llyw.cymru))

#### **Cefnogi Busnesau Lleol**

Mae'r angor Cefnogi Busnesau Lleol yn cynnwys tair elfen allweddol -

##### **Grantiau cychwyn busnes a thyfu busnes**

Fel rhan o'i ymrwymiad parhaus i gefnogi datblygu economaidd a busnesau drwy'r cyfnod heriol hwn, mae Cyngor Sir Caerfyrddin yn cyflwyno Grant Tyfu ac Adfer Busnes Sir Gaerfyrddin sy'n cael ei ariannu gan Lywodraeth y DU drwy'r Gronfa Ffyniant Cyffredin.

Nod yr ymyrraeth grant yw cryfhau ecosystemau entrepreneuriaid lleol, a chefnogi busnesau ym mhob cam o'u datblygiad i ddechrau, cynnal, tyfu ac arloesi, gan gynnwys trwy rwydweithiau lleol.

Grantiau rhwng £1,000 a £10,000 ar gael. Gellir ystyried grantiau o hyd at £50,000 fesul achos ar gyfer ceisiadau sy'n dangos yn glir brosiectau arloesi, Ymchwil a Datblygu a/neu ddiogelu at y dyfodol sy'n gysylltiedig â'r strategaeth arloesi leol.

Bydd pob grant yn seiliedig ar 50% o'r costau cymwys neu uchafswm o £5,000 ar gyfer pob swydd sy'n cael ei chreu, a/neu £5000 ar gyfer pob swydd sy'n cael ei diogelu, pa un bynnag yw'r lleiaf. (Rhaid creu o leiaf un swydd newydd a/neu ddiogelu un swydd gyferwerth ag amser llawn (CALL) er mwyn cael mynediad at y grant.

Am fwy o wybodaeth cysylltwch ar e-bost: [businessfund@sirgar.gov.uk](mailto:businessfund@sirgar.gov.uk)

Gwefan: [Grant cychwyn busnes \(llyw.cymru\)](http://Grant cychwyn busnes (llyw.cymru)) [Grant Tyfu Busnes \(llyw.cymru\)](http://Grant Tyfu Busnes (llyw.cymru))

### **Cronfa Ynni Adnewyddadwy Busnes**

Fel rhan o'n hymrwymiad parhaus i gefnogi datblygu economaidd a busnesau drwy'r cyfnod heriol hwn, yn ogystal â bod yn garbon sero net erbyn 2030, mae Cyngor Sir Caerfyrddin yn cyflwyno Cronfa Ynni Adnewyddadwy Busnes Sir Gaerfyrddin. Bydd y Gronfa yn gynllun grant trydydd parti, a fydd yn darparu cymorth cyfalaf i fusnesau tuag at brynu systemau ynni adnewyddadwy ar gyfer eu safleoedd busnes. Nod y gronfa yw helpu busnesau lleol i fod yn gynaliadwy yn ystod y cyfnod heriol hwn, a rhoi cymorth iddynt dyfu a ffynnu a'u helpu ar eu taith tuag at ddod yn garbon sero net. Grantiau rhwng £1,000 (lleiafswm) a £25,000 (uchafswm) ar gael tuag at gost y system ynni adnewyddadwy. Bydd pob dyfarniad grant yn seiliedig ar ddim mwy na 50% o'r costau cymwys.

Am fwy o wybodaeth cysylltwch trwy e-bost: [CYAB@sirgar.gov.uk](mailto:CYAB@sirgar.gov.uk)  
Gwefan: [Cronfa Ynni Adnewyddadwy Busnes \(llyw.cymru\)](http://Cronfa Ynni Adnewyddadwy Busnes (llyw.cymru))

### **Cronfa Benthyciadau Canol Trefi**

Fel rhan o'n hymrwymiad i alluogi a chefnogi adfywio ac arallgyfeirio canol trefi yn ein Sir, mae Cyngor Sir Caerfyrddin wedi sicrhau cynllun cyllid ad-daladwy ychwanegol drwy Gronfa Benthyciadau Canol Tref Llywodraeth Cymru gyda'r nod o ddod ag eiddo adfeiliedig neu danddefnyddio gwag a safleoedd datblygu segur yng nghanol trefi cynradd Sir Gaerfyrddin yn ôl i ddefnydd economaidd. Amcan y cynllun Benthyciadau Canol Tref yw cymell a galluogi adnewyddu eiddo ac adeiladu o'r newydd yng nghanol trefi ar draws Sir Gar drwy gynnig benthyciadau di-log i berchnogion eiddo, datblygwyr, buddsoddwyr ac ati, a fydd yn eu tro yn annog aildefnyddio safleoedd ac adeiladau gwag, heb eu defnyddio a rhai segur yn gynaliadwy. Bydd yr ymyriad hwn yn arwain at greu gofod llawr canol tref at ddefnydd masnachol, hamdden a phreswyl. Bydd y safle sydd wedi'i gwblhau yn cyfrannu at Ganol Trefi newydd, bywiog ac amrywiol, gan arwain at fwy o ymwelwyr a hyder, gan sicrhau dyfodol cynaliadwy a disglair.

#### **Beth sydd ar gael?**

Benthyciadau di-log rhwng £25,000 a £1Miliwn

Ni all y benthyciad ond cefnogi uchafswm o 75% o'r benthyciad i werth cost y prosiect.

Codir ffi weinyddol am fenthyciadau unigol i dalu costau sy'n gysylltiedig â phrosesu a rheoli'r benthyciad ac i adlewyrchu lefel y risg. Ni fydd y ffi, a bennir gan y Panel Benthyciadau, yn fwy na 15% o swm y benthyciad ond mae'n debygol o fod yn llawer llai. Gellir naill ai talu'r costau terfynol sy'n gysylltiedig â'r ffi weinyddol i Gyngor Sir Caerfyrddin yn llawn cyn i'r benthyciad gael ei dynnu i lawr neu ei dalu fesul cam i gyfateb i delerau ad-dalu'r benthyciad. Bydd uchafswm tymor benthyciad am 5 mlynedd.

Am fwy o wybodaeth cysylltwch ar e-bost: [Benthyciadcanoltref@sirgar.gov.uk](mailto:Benthyciadcanoltref@sirgar.gov.uk)  
Gwefan: [Cronfa Benthyciadau Canol Trefi \(llyw.cymru\)](http://Cronfa Benthyciadau Canol Trefi (llyw.cymru))

### **Trawsnewid Trefi**

Nod y grant Trawsnewid Trefi yw dod ag adeiladau gwag ac adfeiliedig mewn trefi cymwys yn ôl i ddefnydd masnachol trwy eu hadnewyddu a rhoi pwrpas iddynt unwaith eto. Bydd yn ategu seilwaith gwyrdd i wella bioamrywiaeth a gwella manau cyhoeddus. Bydd yr arian yn creu canol trefi bywiog, gyda manau gwaith hyblyg a mwy o fynediad at wasanaethau i drigolion lleol ac i bobl sy'n ymweld â chanol ein prif drefi. Ystyrir bob cais fesul un. Mi fydd cyllid y Trawsnewid Trefi yn ail agor ar gyfer ceisiadau ym Mis Mehefin 2023, ac mi fydd y prosiectau hynny sy'n derbyn cymeradwyaeth yn gorfod cwblhau'r holl brosiect erbyn mis Chwefror 2025.

Am fwy o wybodaeth cysylltwch ar e-bost: [TransformingTowns@sirgar.gov.uk](mailto:TransformingTowns@sirgar.gov.uk)  
Gwefan: [Trawsnewid Trefi \(llyw.cymru\)](http://TrawsnewidTrefi(llyw.cymru))

### **Gorchymyn Datblygu Lleol: (GDLI)**

Rydym wedi sefydlu 'Tasglu' gyda'r bwriad o oruchwylio'r gwaith o adfywio canol trefi. Mater allweddol y mae'r Tasglu wedi bod yn ceisio mynd i'r afael ag ef yw nifer yr unedau manwerthu gwag yng nghanol trefi. Nodir y cyfraniad posibl y gallai newid mewn polisi cynllunio ei wneud i hwyluso buddsoddiad a helpu i gymell datblygiad. Mae'r Gorchymynion Datblygu Lleol yn cydnabod rôl symud canol y dref i fod yn gyrchfan ac amgylchedd byw yn ogystal â chanolfan fanwerthu. Mae'n ceisio cyflwyno trefn gynllunio ganiataol a fyddai'n caniatáu i newidiadau defnydd penodol ddigwydd heb i'r ymgeisydd orfod gwneud cais am ganiatâd cynllunio.

Mae gennym GDLI yn y canol trefi a ganlyn:

### **Rhydaman, Caerfyrddin**

Am fwy o wybodaeth cysylltwch ar ebost: [planninghwb@sirgar.gov.uk](mailto:planninghwb@sirgar.gov.uk)  
Gwefan: [Gorchymyn Datblygu Lleol \(GDLI\) \(llyw.cymru\)](http://GorchymynDatblyguLleol(GDLI)(llyw.cymru))

Os oes diddordeb gennych chi mewn un o'r opsiynau uchod, cysylltwch gyda'r timau priodol am unrhyw gymorth pellach.

Yn gywir,

**Jason Jones BSc MRICS MBA**

Pennaeth Adfywio, Neuadd y Sir, Caerfyrddin SA31 1JP

Head of Regeneration, County Hall, Carmarthen SA31 1JP



BUDDSODDWYR | INVESTORS  
MEWN POBL | IN PEOPLE

Mae croeso i chi gysylltu â mi yn y Gymraeg neu'r Saesneg

You are welcome to contact me in Welsh or English